

嘉善周

斌志頤輯

柳溪詩徵

上海中華書局印行

國民政府內政部註冊二十六年五月十七日執照警字第八六八三號

民國二十五年十二月發行

柳溪詩·徵 (全一冊)

民國二十六年六月再版

上海實售中儲券七十一元六角

(郵運匯費另加)



編者 嘉善周 斌

校閱者 吳江柳亞子

發行者 中華書局有限公司
代表人 路錫三

印刷者 上海中華書局印刷所
上海 澳門 路

總發行處 上海福州路 中華書局發行所

分發行處 各埠 中華書局

柳序

亡友嘉善周君志頤既沒後二年介弟志成出其遺纂柳溪詩徵六卷將付手民索余一言按柳溪今名陶莊屬浙江嘉善縣地瀕分湖之南志頤世居斯土曩有柳溪竹枝詞正續百五十首行世敬恭桑梓網羅文獻吾無間言詩徵之輯猶此意也余祖籍江蘇吳江縣北庫區之大勝村在分湖東北隅先高祖古楨府君且有分湖小識勝溪竹枝詞諸遺著暨余稍長徙居同邑之黎里去湖稍遠然竊慕劉季歌風每謂千秋萬歲後魂魄當猶眷戀斯湖焉蓋分湖爲吳越間巨浸汪洋數十里南屬嘉善北屬吳江浩淼烟波頗鍾靈秀故能誕育鉅人長德劍客酒徒咸郁彬彬無慚作者之倫余曩時鄉居無俚擬輯分湖詩徵暨分湖金忠旣屬陶莊於志頤遂以西塘屬嘉善蔡文鏞周莊屬青浦王德鍾蘆墟莘塔黎里僉澤分屬同邑沈昌眉凌景堅顧无咎陸明桓北庫則屬諸族兄鳴鴻造端宏大有志未成十年以還世變益亟去鄉益遠屢至赭衣塞路羣盜滿湖曩者歌呼文酒之場淪爲嘯聚萑苻之窟余偃蹇春申未知死所遑問歸期而同好諸子自蔡凌以外已盡爲異物讀向子期思舊之賦有不激昂慷慨涕下沾襟者哉猶幸志頤斯集之先成而介弟復能傳播之也雖在流離

顛沛之中不可以無詞酒酣耳熱天地蒼茫擲筆狂吟舉杯遙奠志願志願尙能盡此一觴
否耶中華民國二十四年乙亥三月二十一日吳江柳亞子敘於海上厲樓

沈序

詩之爲教上通乎道德而下達乎人情自孔子刪詩以傳國風楚屈平作離騷其後詩人亦往往三致意於時政之得失民族之隱微詠歎所及時足補傳志之闕疑而工部一集世宜以詩史稱之其亦文獻淵藪也哉顧詩之傳世必賴人力爲之先矧草野巖穴之士閤修寂處生而名不出里巷其身後之遺什不久亦必漸滅以盡耳是以後之君子慨然有詩徵之輯昔孔子言夏殷之禮深慨於杞宋文獻之無徵詩徵者由文以及獻因獻以存文其事則文也而導源於史固不僅總源流之變窺治亂之音而已從事於斯者要在能貫古今而徹遠近原始要終以類相繫始爲無乖於體要大抵徵郡國之詩常忽於僻遠其失在不徧故詩徵之作最宜以一鄉一邑爲之範取其約而能徧也且夫人之有其鄉猶有其家生乎百世之下上溯其鄉里之先賢誦其詩想見其爲人其嚮往篤慕之情亦若後裔之視其列祖不尤親切而有徵乎余見世之輯詩徵者多矣其純駁亦互見蓋非深於詩者要不能無譏我邑周芷畦先生斌今日深於詩者也又多識於鄉里之往事居分湖之濱曰柳溪既老不得志乃博採其鄉先賢之遺詩成柳溪詩徵若干卷去年冬以疾卒於家越二月其弟志成

星使出稿本以授袁弘深先生謀付剞劂因問序於余余受而讀之上起宋元下迄晚近蓋向之所殘脫而無考者今皆萃於茲編矣柳溪在縣西北三十六里宋紹興中保義郎陶文幹居此故亦稱陶莊其地雖蕞爾小市而煙水清淑之氣沾溉人物代有作者芷畦襲清芬之餘緒奮其才力出則與當世賢士大夫遊入則以斯文爲鄉里倡隱然自居於後勁卽其鄉里亦爭奉爲壇坫矣今於其鄉先賢之遺著闡揚發微鄭重而手訂之固應有事哉余識芷畦垂二十年而相見之日少近三年來且未嘗獲一面孰謂今遂序其遺稿耶悲夫芷畦狀貌奇偉有才略自小卽以詩名遠近然終落落無所遇嗜古玩金石破銅爛鐵靡不蓄拙於書每與人見輒急索紙墨書示其近作走筆特絕非習見其書者多不可猝解云嘗一遊雁宕兩遊舊京著雁宕遊草及燕遊草行世其他未刊詩尙多此稿則成於燕遊歸後者余悲芷畦之才遽巡濁世卒坎壈終其身所成就者僅乃見之於一鄉之文獻然吾知其無悶也甲戌二月斜塘沈德鏞序

自序

詩徵之作不能綜歷代括郡國而僅僅限於一鄉抑陋矣雖然國風起於里巷十室必有忠信柳溪自風開陶塾題王孫之畫圖和鐵崖之遊什名流所萃淳風斯扇洎乎竹林遷居四子繼起子重杞山抒其忠憤鈞鼇文璐發以喬皇兩行震耀中外實上承一螺之遺下振抱膝之緒而束齋司寇亦皆名噪一時奮其藻采此宋元以迄有明之一盛也鼎革之際已哇隨侍於積翠山夫偕隱於蔣湖乃至瓢粟逃禪竹垞避亂僻壤窮鄉寢成詩藪水村崛起遂抗手與諸鴻博爭衡是以當日投贈之篇不脛而走寰宇此又清初之一盛也顧兵燹屢經市井未集雍乾之際文人多散於村居而東柯楊三輩卒能不墜宗風以俟後勁自瘦客振響酬和靈芬香湄父子資其輸漑丙唐繼之頤安繼之竹厂李仙又繼之時則趙田之諸袁絳田之諸吳虹殿之諸丁各守一隅流爲馨逸而青箱守研課花復鼎峙爭鳴蜚聲壇坫此又嘉道時之一盛也同光雖寢衰矣然次遊寓後濂溪疊掌文衡園圃馳名瀛島講易師竹亦拔幟而自成一隊流風不替有足多者他若竹居茅屋之題愁言焚餘之稿方外閨秀代起有人亦可謂彬彬乎備已脫無人焉爲之蒐討成編將何以存文獻識風土乎予自壬子

家居竊不自量慨然有志於是則就見聞所及參稽載籍徵訪友朋歷六年之久晨鈔露寫得詩若干首都如干人仿攜李詩繫魏塘詩陳例釐成如干卷名之曰柳溪詩徵其間雖有以年湮代遠志乘不詳不無遺漏之憾然得是而存之使杞宋有徵詩亡可補或亦足以備異日輶軒之採云庚申正月柳溪周斌自序

題詞

吳縣 葉楚傖

好事當年若喚咻故人如夢見山丘
華燈鑒酒江樓夜刺艇尋圖水閣秋
天地風波今盪決
史書評斷孰綢繆一言題外憐難寄
我亦衰頽苦未休

吳江 柳亞子

南冠幾輩楚人咻狐死還憐枕首丘
猶見淳龐秦父老忍輕斷爛晉陽秋
風波早信年時惡
文獻終期桑土繆倘以一觴奠漁俠
青山青史我休休

志願自署
分南漁俠

嘉善 李康佛

投老汾南意惘然當門柳色爲誰妍
一鄉文物閒徵徧扇起淳風六百年
六載多君寫稿成不教埋骨負平生
如今四海倉皇日下筆難爲鄉土情

齊天樂

嘉善 余十眉

偶園已廢心香燼

偶園爲吾邑金安清先生藏書處今已荒廢又鄉先輩郁彝齋搜羅鄉邦文獻著有平川詩徵後因心香閣不戒於火付之一炬

鄉社

祕儲星散謝蝶灰揚崔鴛夢杳一例飄零無算春回雪案料驢客英靈未應枯爛薇露輕研

研箋乍擘綠牕展 流光消盡古翰東風難繪影
驂鸞人遠酒袂塵汗墨痕淚洗溪上柳花
飛滿斜煙亂水付一笛黃昏誰家池館寄語漁娃月明休唱晚
芷畦有柳溪竹枝詞行世

前調

吳江 柳亞子

天魔舞冷湖波綠金粟珠簾都散氣節楊袁文章錢魏彈指枯棋劫算逃禪公案嘆駱丞魂
枯萋弘碧爛一角漚盟鐵函心史從頭展 韶年鼎鼎詩翰有草堂瘦沈風流未遠游子輕
寒女郎薄病襟上淚痕休滿汾南烟水奈弔古傷今黃壚謝館垂老英雄江山愁晚晚

柳溪詩徵目錄

卷一

陶大甄 一首

陳垚道 三首

錢以道 一首

陳綱 一首

陳緝 十二首

楊任 一首

陸琦 三首

朱愚 十四首

沈堯中 四首

朱國望 一首

錢重鼎 三首

錢資深 一首

陳約 三首

陳繹 一首

陶振 十二首

袁順 一首

袁仁 十四首

袁黃 二十七首

袁儼 十七首

卷二

魏 坤 十三首

許 湄 一首

孫 烱 三首

魏錫琦 一首

蔣向皋 一首

許王猷 一首

孫銀槎 二首

孫銘彝 十首

孫鉅文 一首

袁紹銑 六首

袁 璉 二首

蘇國柱 一首

袁 璿 一首

魏正鎧 一首

魏正錡 十一首

袁玉溪 一首

顧功枚 十一首

袁霖周 四首

吳元晉 十首

袁寶秋 十三首

吳元麟 四首

吳元驥 一首

沈文江 六首

沈晉階 二首

丁邁祖 四首

丁子復 一首

卷三

沈丹培 一十四首

朱丹墀 一首

朱華時 首

袁 青 十二首

袁 蘇 首

袁 營 四首

張尙白 十八首

金以煥 六首

袁 鴻 一首

盧國型 十一首

袁愛棠 九首

袁蔭槐 五首

沈汝枚 五首

沈汝棠 七首

丁應谷 首

錢 堃 二首

袁雲楣 五首

吳廷璜 五首

吳廷珪 一首

吳錫金 二首

袁昌齡 五首

袁嵩齡 六首

薛 淮 一首

袁召齡 二首

袁熙齡 三首

卷四

袁青照 十八首

沈士鐸 五首

沈士銘 六首

金 堂 四首

潘湘泉 一首

潘湘波 一首

錢慶熙 二首

袁尙瑩 一首

邵錫辰 十二首

周 詩 一首

周 禮 六首

鄭 塘 五首

袁 楨 三首

朱 璉 二首

潘乃昌 二首

張維鏞 七首

袁福燾 二首

俞 江 二首

曹駿良 十二首

袁汝錫 七首

周文炳 三首

沈汝雄 一首

丁清藩 二首

袁祖延 一首

周啓揆 五首

蘇明善 六首

秦炳漢 三首

秦炳奎 二首

卷五 (僑寓)

楊維禎 五首

魏大中 十六首

陳子龍 六首

爰丹生 八首

周文俊 六首

沈汝豪 二首

朱耀祖 七首

周啓賢 一首

許馥銓 十首

蘇明新 四首

蘇君璋 七首

錢士升 六首

徐石麟 二首

張采 一首

爰訥 一首

朱彝尊 十七首

葉 燮 五首

周 杭 一首

沈大成 十八首

王炳裕 三首

查奕照 五首

丁大椿 六首

汪如藩 三首

顧文治 二首

張聘齡 四首

秦光第 七首

孫爾榛 一首

孫錢泰 七首

李斐然 十首

謝昌年 二十四首

謝昌言 六首

謝咸慶 二首

陸擁書 六首

陳 楸 二首

董書紳 三首

計寶璜 四首

王文溶 五首

卷六 (閨秀 方外)

葉純紈 十四首

吳 黃 四首

陸觀蓮 六首

魏于雲 九首

汪琬玉 四首

孫清瑜 五首

靈具 一首

天寥 十首

志南 三首

爻默 五首

沈氏 一首

浦潔芳 二首

寂勛 四首

實定 一首

雪舫 一首